

LETTRE
DV ROY
ENVOYEE
A MESSIEURS
LES PREVOST DES MAR-
CHANDS ET ESCHEVINS
de la Ville de Paris.

*Sur la deffaicte des Troupes du Duc
de Rohan, venant au secours
de Montauban.*

Donné au Camp Royal le 28. Septéb. 1621.



A PARIS,
Chez Nicolas Alexandre, 1621.
Avec Permission.



LETTRE DV ROY
*enuoyée à Messieurs les Preuost
des Marchands & Escheuins
de la ville de Paris.*

NRES-CHERS & bien
Amez, la benediction
de DIEV paroist sur
Nous, en tout ce qui
arriue, & par sa prouidence
il conduit les choses iusques à vn
tel poinet qu'il en veut estre re-
cogneul l'Auteur. Vous auez sceu
comme depuis quelques iours
ceux qui se sont reuoltez, ayans
assemblé des forces, parties en fu-
rent deffaites par les miennes,

commādées par nôtre Cousin le Duc d'Angoulesme: Ce qui leur fit perdre esperance d'ozer entreprendre de secourir Montauban de viue force, & les porta s'auantageant du pays à chercher chemin & le rafraichissement des leurs par d'autres voyes, du costé ou estoit logé ledit Duc d'Angoulesme. Ils firent la Teste de leur Armée; d'où à la file ils firent desbander quinze cens hommes qui guaignerent Lombes, & de là passans par des lieux inaccessibles pour la Cauallerie, se rendirent dans S. Anthonin: Ce que ie sceus à l'instant, & commencé à donner ordre qu'ils ne peussent se ietter dans Montauban. De fait, apres auoir gaigné

ſ
vne forest diſtante d'une lieuë de
la ville, ils n'oſerent tanter le ha-
zard, & par diuerſes fois ils ont
eſté contraincts de regagner leur
fort : Ce qui leur eſtoit facile à
cauſe de l'aſſiette du pays: Mais
en fin vaincus par la neceſſité
portez d'un courage temeraire,
ils ſont partiz ceſte nuit, & ayāt
paſſé par des lieux qu'ils auoient
fait recognoiſtre, & ou il eſtoit
impoſſible de faire garde, ils s'é-
toient coulez iuſques aupres de
nôtre Câp la ou ils cōmençoient
a croire d'eſtre a ſauueté. Mais les
retranchemens les ayās obligez
a ſe preparer a les forcer Ils ont
eſté deſcouuerts & ont ſi viue-
ment eſté repouſſé que quatre
ou cinq cens ſont demeurez ſur

la place, le reste a pris la fuitte, la plus part blesez, quelques vns pourtant au nombre de soixante ou quatre vingts par les costé de ceux qui les combattoient se sont jettez dás les fossé de la ville, les hommes de commandement restez sur la place, pris, blessé ou tuez, & plusieurs de leurs drapeaux. En cette deffaite & au lieu il se peut congnoistre ce que nous vous auons dit de la prouidence de Dieu qui a aussi fortifié le courage aux nostres qui ont fait merueille, & notamment le sieur de Bassompierre, le Colonel & les Suisses, & le Regiment de Normandie qui ont hardimēt soustenu & chargé. De ceste bonne nouuelle nous auons pen-

fé qu'il estoit à propos de vous
faire part, d'ou vous en pourrez
encores esperer vne meilleure
quifera en bref la prise de la Ville.
Du depuis trois cens qui s'en
estoiert fuys & qui se rassem-
bloient ont esté rencontrez par
le Comte Dayen & deffaits &
leurs chefs pris. Beaufort qui
estoit le chef de tous, & celuy qui
commandoit dans S. Anthonin,
qui auoit charge d'une partie
ont esté de ceux qui sont restez
prisonniers des ce matin. Et par
ce que nous tenons ceste victoire
de la main de Dieu comme les
precedentes. Nous desirons que
graces luy en soient renduës pu-
bliquement par vn chant solem-
nel de *Te Deum*, dans la grande

Eglise Nostre-Dame, ou vous assisterez en corps, ainsi qu'il est accoustumé: Et nous prierons sa diuine bonté vous auoir en sa Saincte & digne garde. Escrit au Camp deuant Montauban, le 28. iour de Septembre 1627.

LOVIS.

DE LOMENIE.